

Di Cataro, di sier Pollo Valaresso, rector e provedador, di 8 mazo. Mandà il conto di quanti danari à tochato, poi è li etc. et di salli auti. Scrive Gnagni dal Borgo è li con la compagnia e si li provedi, non ponno più star. *Item*, lo emir e cadì *noviter* venuto a Castelnovo eri fe' bolar li nostri magazeni di salli de Rixano, che non se vendesseno fin non habino venduto l'oro le so salme, *tamen* spera conzerà la mastelata. *Item*, il sanzacho di Castelnovo e Bosina è sta cambià, e posto e designà quel sanzacho di Scutari con provision di aspri 200 milia più dil solito. *Item*, esso proveditor si seusa, è caluniato per lettere senza sottoscription, etc.

232 Da poi disnar fo pregadi, richiesto e comandato per il principe, hessendo li cai di X dentro per far capo in Campo, *tamen* non fu posto ni parlato, et vene queste lettere.

Di sier Pollo Capello, el cavalier, provedador zeneral, date a Marostega, a dì 30. Chome è zonto li sier Hieronimo da cha' da Pexaro, era provedador a Bonvexim, et dice aversi reso, salvo l'aver e le persone perchè non si potea tenir, dice inimici voleno ritornar, et à messo in fuga quel loco, perhò vol prima si parta lassar pressidio li, e a la Scala far provision. À mandato sier Ferigo Contarini provedador con Hieronimo Pinchin et Zuan da Rieti contestabile in Bonvixim, laudato dal dito sier Hieronimo per conforto di la Scala, et dir a quel castellan non si dubiti etc. À mandato *etiam* a Enego et scritto lettere etc. perchè tenendosi Marostega e la Scala il trevisan è sicuro. *Item*, scrive che havendo fato comandamento a quelli di la villa di Maxon che conducesseno certa biava in Marostega se ritrovava in dita villa di raxon di uno Gabriel di Angaran rebello di la Signoria nostra, et visto non era conduta mandò a veder, e trovò li villani tolleva la dita biava per l'oro. *Item*, è zonto uno messo di Enego, è in fuga, *unde* li manda 100 valenti homeni di Marostega, li qualli anderano a sue spexe etc.

Di Padoa, di rectori e sier Alvise Bembo, provedador sora i feni. Rispondono zercha i feni e fa esso provedador il tutto e ben. Mandano essi rectori una deposition di uno vien di Montagnana, chiamato Piero Pur che possa, parti eri, referisse che nostri di Lignago quando francesi volseno prender le rote e far ponti, con le artelarie ne amazono 2000 guastadori, di 8000 che erano, et che li altri temeno acostarsi li propinquo. *Item*, si dice il ducha di Ferrara con le so zente è andà via, e che inimici hanno fatto un ponte su l'Adexe a Bonaigo, si dice voleno passar e andar in cremonese, e mena con si il ducha

di Ferrara, et che Sonzim Benzon, era in Montagnana, è andà in Campo.

Dil capitano di Po, date a l' Anguilara, a dì 29. Come in Ruigo sono 20 over 30 fanti a piedi e non più di li inimici, e la rota è ampliada, la qual va fino a li terragij di Ruigo, porta aqua e ruina campagne, e che era sta piata la rota fu fata a la Baddia, la qual par in quella nocte habbi roto di novo etc.

Scurtinio di uno provedador et executor in 232 Campo, in luogo di sier Zuan Diedo el cavalier.

- | | |
|--|---------|
| 23. Sier Marco Trun, fo provedador a Zervia, <i>quondam</i> sier Mafio | 26.115 |
| 5. Sier Daniel Dandolo, fo provedador a Feltre, <i>quondam</i> sier Hieronimo | 87. 66 |
| 33. Sier Marco Trun, fo capitano, a l' isola de la Zefalonia, di stratioti, <i>quondam</i> sier Etor . . . | 24.113 |
| † 21. Sier Sigismondo di Canal, fo pagador in Campo, <i>quondam</i> sier Nicolò | 116. 40 |
| 18. Sier Bernardo Venier, <i>quondam</i> sier Giacomo, <i>quondam</i> sier Bernardo | 35.118 |
| Non. 20. Sier Antonio Contarini, fo in l' asedio di Padoa, <i>quondam</i> sier Zentil | |
| 14. Sier Zuan Mudazo, fo soracomito, <i>quondam</i> sier Daniel | 13.140 |
| 4. Sier Piero Zustignan, di sier Francesco il consier | 34.112 |
| 13. Sier Zuan Antonio Barbaro, fo provedador sul Piovà di Sacho, <i>quondam</i> sier Josafat | 70. 84 |
| 25. Sier Antonio da cha' da Pexaro, <i>quondam</i> sier Lunardo | 38.115 |
| Non. Sier Alvise Soranzo, fo in l' asedio di Padoa, <i>quondam</i> sier Vetor | |
| 30. Sier Zuan Emo, fo in l' asedio di Padoa, di sier Zorzi el proveditor zeneral | 21.139 |
| 28. Sier Alyise Michiel, fo in l' asedio di Padoa, di sier Michiel | 16.134 |
| 10. Sier Alvise Bembo, è proveditor sora i feni in padoana, <i>quondam</i> sier Zorzi | 51.102 |
| Non. 16. Sier Zuan Francesco Contarini, di sier Carlo | |